

樹

藝

篇

果部三

李

李爾雅曰休無實李。瘞接慮李。馭赤李。廣志曰赤李麥李。細小有滿道有黃建李青皮李馬肝李赤陵李有饒李肥黏似饒有李。離核李似柰有劈李熟必劈裂有經李一名老李其樹數年即枯有杏李味小醋似杏有扁李有夏李冬李十一月熟有春李李冬春熟荆土地記曰房陵南郡有名李風土記曰南郡細李四月先熟而晉傳玄賦曰河黃建房陵縹青西京雜記曰有朱李黃李紫李綠李青李綺李青房李車下李顏回李出魯合枝李羗李燕

李今世有木李實絕大而美又有中植李在麥後穀前而  
熟者李欲栽李性堅實脆五歲始子是以前籍栽者三歲  
便結子也李性耐文樹得三十年老雖枝枯子亦不細嫁  
李法正月一日或十五日以磚石著李樹岐中令實繁又  
法臘月中以杖微打岐間正月晦日復打之亦足子也又  
法以煮寒食醴酪火捺著樹枝間李熟必豐採自茲東之  
以取大馬李樹挑樹下並欲鋤去草穢而不用耕墾耕則  
肥而無實樹下犁撥亦死之桃李大率方兩步一根大縱  
連陰則子細而味亦不佳管子曰王沃之土其木宜梅李  
韓詩外傳云簡王曰春樹桃李夏得陰其下秋得食其實

春種蒺藜夏不得抹其實秋得刺焉家政法曰二月徒梅  
李也作白李法用夏李色黃便摘取於鹽中投之鹽入汁  
出然後合鹽曬令萎手捻之令福復曬更捻極福乃止曝  
乾飲酒時以湯洗之漉者密中可酒矣齊民要術

李之類多尔雅曰休無實李一名趙李又曰瘞接慮李今  
之麥李即青李也又曰駁赤李此赤著粉者也陶隱居云  
李以姑熟所出南居李解核如杏子者為佳草木畧

李其品在挑上有粉青黃二種松江府志

李取根上發起小條移種別地待長又栽培成行栽宜稀  
不宜肥地肥則無實其性耐久雖枝枯子亦不細此樹接

挑則生苑李以上俱臘月移便民音纂

李有肉多而核極小者味美園林所產大抵多紫粉李耳而太酸疑此品易種也吳邑志

青李核小且生啖紫李核大且熟啖其味則青脆為佳紫李不足尚也

蕭瑀陳叔達於龍昌寺看李卷相與論李有九標謂香雅

細淡繁宜月夜宜綠鬢泛酒無異色皆實事出承平日繁

李有數種尔雅曰休無實李但承接慮李馭赤李註曰

休無實李一名趙李接慮李即今之麥李細實有滿道與麥同熟故名馭赤李其實赤者是也廣志曰有黃建李

青皮李馬肝李赤陵李有糕李微粘似糕有柰李離核李  
似柰有劈李熟必劈破有經李一名老李數年即枯有杏  
李味小酢似杏有黃扁李夏李冬李十一月熟有春李李  
冬巷春實愚常有見北方一種謂之銜黃紫其重踰兩肉  
厚核小食之井香而美李中之嘉種也江南建寧有一種  
名均亭李紫色極肥大味甘如密南方之李此實為最。  
齊民要術曰李性耐久樹得三十年老枝雖枯子亦不細  
○嫁李法正月一日或十五日以磚石著李樹岐中令實  
繁○又臘月中以杖微打岐中間正月晦日復打亦子足  
○又法以煑寒食醴酪火捺著樹間亦良。桃李樹下

並欲附去草叢而不用耕墾

耕則肥而無實  
耕下犁耨已死

桃李大率方

兩步一根

太概連陰則子  
細而味亦不佳

○作即今之麥李與麥同熟者為

栗肉厚而乾與核相離殼赤李則李之赤而自水者休無

實李之實繁則有竊食之嫌雖欲整冠其下且不可猶漢

廣之喬木不可休息無實則其下可休矣行人謂之行李

亦或取於此潘岳賦曰房陵朱仲之李山海經邊春之山

多李古者司商協名姓商五聲之清者司商掌賜族受姓

之官人始生吹律合之定其姓名至老子生於李下乃指

以為姓不假吹律漢京房本姓李乃吹律改姓京氏不可

曉今人論五姓但以張為商李為徵古法不復見矣越絕

書言勾踐諸侯從之若果中之李

尔雅翼

李其品亦不一白李亦名鶯黃實青脆五六月熟臘脂李  
皮肉俱紅味甘夏熟琥珀李皮紅肉味微澁秋熟夫人李  
皮粉紅色肉深紅味甘七月熟真珠李大如龍眼色青紅  
味差淡而酸

八閩通志

予園中有嘉慶李云來自常熟外綠色而肉肉紫亦佳種  
也八九月熟按洛水記有嘉慶李即此也

元龜

李有白李出茅山展仙人遺種見茅山志

鎮江志府

錦李味甘美勝常品劈之兩片開如離核桃

桂海虞衡志

李實味苦除痼熱條中

本草經

陶隱居云李類又尋京口

有麥李麥秀時熟小兒肥甜核不入藥今此用姑熟所出  
南居李解核如杏子者為佳凡實熟食之皆好不可合雀  
肉食又不可臨水噉之李皮水煎言之療齒痛佳圖經曰  
杏核仁舊不著所出州土今處有之李之類甚多見爾  
雅曰有休無實李之無實者一名趙李之祖接慮  
李即今之麥李細實有滿道與麥同熟故名之馭赤李其  
子赤者是也又有青李綠李赤李房陵李朱仲李馬肝李  
黃李散見書傳美其味之可食陶云皆不入藥用姑熟  
所白李法用夏李色黃使摘取鹽中按之鹽入汁出然後  
合鹽晒令萎手捻之令扁後晒極扁乃止曬使乾飲酒時

以湯洗之漉着蜜中可以薦酒。夫李之桃與同氣類也。韓詩外傳有云春則擷其卷夏則取其陰秋則敬其實以李桃並言其有益於人多矣。昔王安豐家有好李鑽核而賣貴其種也。和嶠家有好李計核而賣錢獲其利也。當其避暑山亭納涼也池閣沉之清泉飮之冰相其風味又豈減於桃杏哉。王氏農書

李之別有二十七 洛陽花木記

粉紅李

花紅李

御李

探李

麝香李

北京水李

珍珠李

真槐李

粉香李

小桃李

偏縫李

蜜祿李

胡天李

黃耳李

麥熟李

揀支李

牛心李

紫灰李

冬李

晚李

焦紅李

金條李

橫枝李

涪帶李

纏枝李

漿水李

愚豐李

嘉慶李

素問曰李韭皆酸李東方之果木子也故其字從木從子  
性頗雉老雖枝枯子亦不細其品處挑上故果屬有六挑  
最為下尔雅曰挑曰膽之枣李曰棗之盖枣李之臍去棗  
而已舊云挑李種法大率數方兩步一根密則陰輒相扇  
不惟子細味亦不佳也化書曰李接挑而本強者其突挑  
梅接杏而本強者其突其此明造化之權有以知巧而移

矣莊子曰接子之或使此之謂也爾雅曰休無實李言可  
休息而已無實可食也 碑雅

李木之君子者故从子亦南方之果也火者木之子故名  
其杏與桃尤緊密春秋運斗樞曰玉衡星散為李爾雅有  
三種瘞接慮李以李類甚多有綠李黃李紫李朱李水李  
麥熟李甜脆並堪食又一種李野李味苦酸平無毒多食  
令人虛熱喜生霍亂不可同蜜食損五臟同茱肉食臨水  
食之令人發痰癰主除痼熱調中根皮大寒主消渴赤白  
痢濃煎服葉治小兒壯熱疝疾驚癇作湯浴之 日用本草  
李有數種有黃甜李有紅腹李皆佳品其次有紅李綠

李又其次有寒李或醃曝之為果名嘉慶子云

吳化府志

郡志曰越有黃蠟李麥熟李迎瓜李皺李白淡李紫茄李

志

郡之李其種亦不一與麥同熟而甜脆者曰麥李皮紅肉

黃者曰朝天李皮紫肉紅如臘脂者曰臘脂李實甜而解

核如杏子曰蜜李色黃者曰黃蠟李色青白者曰青蔥李

實甜而肉黑者曰炭李樹矮而結實者曰道州李至冬始

熟者曰十月李

邵武府志

李卷如積雪元微之有箒梢開萬朵之句實有麥熟橫枝

紫綠數種李直方第果品以綠李為首又有郁李一名雀

李卷粉紅色實如櫻朱

昆陵志

李有紫玉駐馬嬌縹車胭脂黃竭木李

雁山志

李一名牛心一名彷彿一名麥李一名苦李素問云李非皆酸李東方之果木子也其字從木從子

連昌府志

爾雅曰休無實李註一名趙李又曰瘞接慮李註今之麥李又曰駮赤李註子赤疏別李屬也李之無實者名休瘞接慮李郭云今之麥李與麥同然因名云李之子赤者名駮

郁李卷

郁李花小碎卷也繁縟可愛陸龜蒙有擲李花賦云一枝上能萬其膚萼一萼中自參其丹白狀其實也

吳郡志

常棣如李而小子如櫻桃正白花萼上承下覆甚相親爾來薇所謂彼爾維何維常之華是也

埤雅

郁李按本草棠棣也條生作叢高五六尺其葉如李花極繁密而多葉紅粉色即千葉郁李花也其花開單葉者則結實小若櫻桃赤色而味甘酸可食核中仁即木草所謂郁李仁也

邵武府志

郁李曰詠李曰車下李曰棣爾雅云常棣棠棣詩云常棣

之花鄂不韜、草木畧

郁李小細卷也繁縟可愛

松江府志

圖經曰郁李仁本經不載所出州土但云生高山川谷及丘陵上今處處有之木高五六尺枝條葉花皆若李惟子若櫻桃赤色而味并酸核隨子熟六月採根并實取核中仁用陸機本草疏云唐棣即與李也一名雀梅亦曰車下李所在山中皆有其華或曰或赤六月中成實如李子可食今近京人家園圃植一種枝莖作長條花極繁密而多葉亦謂之郁李不堪入藥用

爾雅曰常棣、註曰今關西有棣樹子如櫻桃可食疏曰

舍人曰常棣一名棣詩小雅云棠棣之華陸機疏云許慎曰白棣樹也如李而小如櫻桃正白今宮園種之又有赤棣樹亦如白棣葉如刺榆葉而微圓子正赤如郁李而小五月始熟自閩西天水隴西多有之

毛詩豳風七月篇六月食鬱及薁傳鬱棣屬薁蓂蓂也疏正義曰鬱棣屬者是康棣之類屬也劉楨毛詩義問云其樹高五六尺其葉大如李正赤食之甜本草云鬱一名雀李一名車下李一名棣生高山川谷或平地中五月時實言一名棣則與棣相類故云棣屬薁蓂者亦是鬱類而小別耳晉宮閣銘云華林園中有車下李三百一十四株

莫李一抃車下李即鬱莫李即莫二者相類而同時熟故

言鬱莫也

詩經註疏

詩曰棠棣之華萼不辭詩義疏云承花者曰萼其實似櫻菀莫麥時熟食美北方呼之相思也說文曰棠棣如李而小子如櫻桃

齊民要術

揚梅

六月間取糞池中浸過核收盒二月鋤地種之待長尺許  
次年三月移栽三四年後取別樹生子枝條接之復栽山  
地其根多留宿土臘月開溝於根旁高處離四五尺許以  
灰糞壅之不宣着根每遇雨肥水滲下則結子肥大便巨圓

揚梅為吳中名品出光福山銅坑第一聚塢次之洞庭所  
產尤多惟宜驢以行遠也其他蜜漬礬收火燻糖浸皆有  
法古所傳也 吳邑志

揚梅其子如彈丸正赤五月中熟時似梅其味甜酸陸  
賈南越行紀曰羅浮山頂有胡梅山挑繞其際海人時登

採拾止得於上飽噉不得持下東方朔林邑記曰林邑山  
揚梅其大如杯椀青時極酸既紅味崖蜜以醞酒號梅香  
耐非貴人重客不得飲之 南方草木狀

揚梅木若荔枝葉細陰青實如穀子而有核其味酢出江  
南五月中熟江淹頌云懷蓋挺實涇黃棘丹鏡日繡壑炤  
霞出張司空云地瘴無不生揚梅者 爾雅翼

揚梅有紅紫白三色會稽揚梅為天下之奇 日用本草

揚梅木似荔枝葉細陰厚實生青熟紅如鶴頂狀諸色皆  
有而懷安桐口所產者尤佳 八閩通志

揚梅葉如龍眼樹冬青一名執音潘州有白色者甜而絕

犬

北戶錄

園經曰楊梅亦生江南嶺南其木若荔枝而葉細陰厚其實生青熟紅肉在核上無皮殼南人淹歲以為果寄至此方甚多今醫方鮮用

證類本草

楊梅諸山多有之而烟霞塢東墓嶺十八澗泉亭山者肉鬆核小味尤甜美宋時梵天寺有月廊數百間庭前多楊梅盧橘藕子瞻詩云夢遶吳山却月廊楊梅盧橘覺猶香客有言閩廣荔枝無物可對者或對以西涼葡萄予以為未若吳越楊梅也可正平詩云五月楊梅已滿林初疑一價千金味方河朔葡萄重色北瀘南荔枝子深則古人

亦有舉而方之者矣 西湖游覽志

揚梅出蘓州西山蘇州佳品以其一日可到故色鮮味美此

間亦可移種但結子不大耳種法以青石屑拌黃土種之

糞以羊矢則盛 元龜

揚梅奉化有邵家烏許家烏金家韓烏家晚大荔枝小

荔枝鄞之小溪亦見之色紅不逮奉化之紫黑產東湖者

色白酪密脚又其次也 四明郡志

揚梅高行仁善二鄉出劉子高詩去年南畝揚梅熟曾折

青枝露顆垂今夜長塘灯下醉独看紅顆憶青枝 秦和志

揚梅味酸温無毒去痰去嘔消食下酒和五臟除煩憤惡

氣甚能止痢多食令人發熱亦能損齒及筋骨也 食物本草  
楊梅有紅白二種本地所產非道地者其實細小多酸若  
蘇州揚梅其大如錢其如蜜此為上品江西浙江者次之  
興化府志

會稽志曰楊梅品之最佳者曰官長梅色紫實大核小出  
項里越人及漬以糖或鹽以投酒 山陰志

楊梅有紅白二種本地所產者實小而酸不若福州建寧  
所產皆取善本接之其實乃稍大味亦稍甘今郡人所需  
者皆建寧人販賣者也 邵武府志

楊梅色紫而味甘者不減越梅 昆陵志

楊梅生青熟紅在核上無皮殼樹若荔枝形若水梅

子建昌府志

蒲萄

蒲萄漢武帝使張騫至大宛取蒲萄實於離宮別館旁畫種之西域有蒲萄蔓延實並以蔓廣志曰蒲萄有黃白黑三種者也蔓延性緣不能自舉作架以承之葉密陰厚可以避熱十月中去根一步許掘作坑收卷蒲萄悉埋之近枝並薄安黍穰彌佳無穰直安土亦得不宜濕：則冰凍二月中選出舒而上架性不耐寒不埋即死其歲久根莖粗大者宜還根作坑勿令莖折其坑外處亦掘土并穰陪覆之摘蒲萄法逐熟者一：零疊一作摘取從本末悉皆無遺世人全房折殺者十不收一作乾蒲萄法極熟者一

、零壘摘取刀子切去蒂勿令汁出蜜兩分脂一分和內  
萄、中煮四五沸漉出陰乾便成矣非直滋味倍勝又得  
夏暑不敗壞也藏蒲萄法極熱時全房折取於屋下作瘡  
坑、內近地鑿壁為孔挿枝於孔中選築孔使堅屋子置  
土覆之經冬不異也 齊民要術

蒲萄有漿水瑪瑙二種味佳 山陰縣志

蒲萄紫色而汁并有綠色而實差小者名水晶蒲萄 建昌府志

蒲萄藤生傳自西域史記云大宛以蒲萄為酒富人藏蒲  
萄酒至萬餘石文者十數歲張騫使西域得其種而還中  
國始有又有一種曰嬰真謂之山蒲萄野出其實如蒲萄

而小亦堪為酒其童王嘔逆斷其兩頭節炊之有汁出如

通草 草木畧

陶隱居註本草蒲萄北人多肥健量食此物却不知有羊肉起也 畫幔錄

蒲萄蔓生當熟時紫黑有漿然其顆不大又雜以青紅江南產終不如北也 吳邑志

二三月間截取藤枝揀肥地待蔓長張上架根邊以煮肉汁或糞水澆之待結子架上剪去繁葉則子得承雨露肥大冬月將藤收起用草包護以防凍損 便民圖纂

又法蒲桃宜用來樹邊春間鑽束樹作一竅引蒲萄枝從

數中過伺蒲萄枝長塞滿穀子斫去蒲萄根托束根以  
生其肉突如束蒲挑用米泔水澆 居家必用

有傳種蒲萄法於正月末取蒲萄嫩枝長四五尺者卷為  
小圈令緊先治地令土鬆而沃之以肥種之止留二節在  
外異時春氣發動衆萌競吐而土中之節不能條達則盡  
萃英華於出土之二節不二年成大棚大如束而且多液  
此亦奇法也 癸辛雜識

二月揀蒲萄預先於去年冬間截取藤枝旺者約長三尺  
埋窖於熟糞內候春間樹木萌芽發時取出看其芽生以  
藤籤蘼萄內栽之埋二尺在土中則生根留三五寸在上

外候苗長牽藤上架根遶常以煮肉肥汁候冷澆灌三日  
後以清水解之天色乾旱輕鋤根遶上澆之冬月草包護  
防霜凍損二月三間皆挿栽 農桑撮要

蒲萄以蠟紙裹頓罐中再溶臘封之至冬不枯酒浸蒲萄  
以新瓮盛密封懸掛當火處則不壞 同上

蒲萄有三色紫者名馬乳白者名水晶北地來者名番蒲桃  
又一種山蒲萄名萋萋是干味果味甘平無毒七月八月  
熟收取汁可釀酒服之能逐水利主筋骨濕痺益氣倍力  
小兒瘡疹不出食之盡出 日用本草

丹溪曰蒲萄能下走滲道西北人喜厚食之無恙東南

人食多則病熱矣 食物本草

蒲萄一名馬乳西漢時其種自西域來有青紫二色今閩中但有青者亦不多也韓昌黎詩賸欲滿盤堆馬乳莫辭漆竹引龍鬚 八閩通志

蒲萄味甘平無毒主筋骨濕皮益氣倍力強志令人肥健耐飢忍風寒久食輕身不死延年可作酒逐水利小便生隴西五原墩煌山谷 本草經陶隱居云魏國使人多齎來狀如五味子而其美可作酒云用其藤汁殊美好北國人多肥健耐寒蓋食斯乎不植淮南亦如橘之變於河北矣人說卽此間蔓 於廉莫切 恐怨彼之枳類橘耶唐本

注云萋莫與蒲萄相似然萋莫是千歲藥蒲萄作酒法摠  
收取子汁釀之自成酒萋莫山蒲萄並堪為酒陶云用藤  
汁為酒謬矣按蜀本圖經云蔓生苗葉似萋莫而大子有  
紫白二色又有似馬乳者又有圓者皆以其形為名又有  
無核者七月八月熟子釀為酒及醬別有法謹按萋莫是  
山蒲萄亦堪為酒孟洗云蒲萄不問土地但收之釀酒皆  
得美好或云子不堪多食令人卒煩悶眼闇根濃煮汁細  
飲之止嘔噦及霍亂後惡心妊孕人子上衝心飲心即  
下其胎安圖經曰蒲萄生隴西五原墩煌山谷今河東及  
近京州郡皆有之苗作藤蔓而極長大盛者一二本綿被

山谷間卷極細而黃白色其實有紫白二色而形之圓銳亦

二種又有無核者皆七月八月熟取其汁可以釀酒按史

記云大宛以葡萄為酒富人歲酒萬余石文者十數歲不

敗張騫使西域得其種而還種之中國始有蓋此果之最

珍者魏文帝詔群臣說葡萄云醉酒宿醒掩露而食其而

不飴酸而不酢冷而不寒味長汁多除煩解憎他方之果

實有匹之者今太原尚作此酒或寄至都下猶作葡萄者

根苗中空相通圃人將慎之欲得厚利暮溉其根而晨朝

水浸子中矣故俗呼其苗為木通逐水利小腸尤佳今醫

家多暴收其實以治時氣發瘡癩不出者斫酒飲之甚效

江東出一種實細而味酸謂之婁莫子證類本草

葡萄先朝西夏持師子來獻使人無費蒲萄遼州郡比中國者皆相似最難乾不乾不可收仍酸澀不可食李白所謂胡人歲獻蒲萄酒是此瘡疤不出食之盡出多食皆昏人眼波斯國所出大者如鷄卵本草衍義

葡萄色紫而味甘有色白而實小者名水晶蒲萄九江府志大宗破高昌收馬乳蒲萄種於苑中并得酒法仍自損益之造酒綠色芳香酷烈味蒸醞醱長安始識其味南部新書大宛以蒲萄為酒富人歲酒至萬余石又者數十歲不敗漢使以其實來於是禹宮別館傍盡種蒲萄史記

孟詵云蒲萄不問土地但取之釀酒皆得美好續博物志

我在鄴遂大得蒲萄奇有滋味陳昭曰作何形狀徐君  
房曰有類軟枣信曰君殊躰物可得言似生荔枝魏肇師  
曰魏武有言末夏涉秋尚有餘暑酒醉宿醒掩露而食其  
而不飴酸而不酢道之固以沉味稱奇况親食之者瑾曰  
此物實出於大宛張騫所致有黃白黑三種成熟之時子  
實逼側星編珠聚西域多釀以為酒每來歲貢在漢西京  
似亦不少杜陵田五十畝中有蒲萄百樹今在京兆非直  
止禁林也信曰乃園種戶植接蔭連架昭曰其味何如橘  
柚信曰精液奇勝芬芳域之瑾曰金衣素裹見苞作貢向

豈自消良應不及 酉陽雜俎

貝丘之南有蒲萄谷：中蒲萄可就其所食之或有取歸者即失道也言王母蒲萄也天室中沙門曇霄因游諸岳至此谷得蒲萄食之又見拓蔓堪為杖大如指五尺餘持還本寺植之遂活長高數仞蔭地幅負十丈仰視若帷蓋焉其房實磊落紫瑩如陸時人號為草龍珠帳 同上

蒲萄名馬乳者佳莫按岳孝方類博搗云蒲萄本中國名果重自上古神農九種功力為最也謂得之大宛歸種漢宮皆未之考 太倉州志

酉陽雜俎與六帖皆載蒲萄由張騫自大宛移植漢宮按

本草已具神農九種當塗熄火去焉未遠而魏文詔之實  
稱中國名果不言西來自唐以前無此論予嘗以為大宛  
之種必與中國者異故博望取之段白所載必有所據但  
失實耳比成酒泉屢嘗販胡之乾名曰瓊：比中國者差  
小形圓而色正赤其味甘美非中國者可敵則予所見庶  
或得之今此種處：有之獨蒲坂者勝土人乾之以資貿  
易江南重之稱蕃蒲葡萄曰蕃云者豈承襲瓊：之乾歟  
姑識之以俟知者 類博稿

夫蒲葡萄而草納花而佳實重自上古故神農九種功力  
為最至能強志益氣輕身延齡蓋中國之名果也二酉六

帖皆謂得之大宛婦種漢宮豈未之考歟意者初不經見  
而博望貳師之所得者又將特異故成式樂天遂附會之  
歟不可知矣魏文之詔以為華果極珍盛讚厥美似為知  
已然徒得其味而遺其德取其小而不識其大君子惜之  
予嘗論其幹癯者廉也節堅者別也枝弱者謙也葉多蔭  
者仁也蔓而不附者和也實中果而可釀者才也味甘平  
無毒入藥力勝者用也屈伸以時者道也其德之全有如  
此者 岳正盡蒲萄說

間道乘槎客相携到漢庭何緣嘗草日先自入醫經

張與題蒲萄見

方辨  
後集

土魯者出瓊：蒲萄味耳如蒲萄而形甚小如胡椒大  
太倉周千兵調戍彼處寄回予嘗食之云熟能發小兒痘  
瘡稀痘散中有之蓋蒲萄之別種也 元 益

銀杏

銀杏一名鴨脚子其木最壽高者十丈俗名白果

吳邑志

種有雌雄二者三稜雌者二稜春初種於肥地候長成感樹來春和土移栽以生子樹枝接之則實茂

便民苗纂

凡食銀杏遇毒腹漲者飲冷白酒三盞吐出立愈吐不出者死

銀杏樹有雌雄二者三稜雌者二稜合二者種之或在池邊能結子而盛蓋臨池照影亦生也

瑣碎錄

鴨脚樹實如杏而其核中之仁可食故曰仁杏今云銀杏

似是而非也

菽園雜記

二月於肥地內用灰糞種之候長成小成次年移栽時連土用草包或麻纏束栽之則易活 農桑撮要

銀杏之得名以其實之白一名鴨脚取其葉之似其木多歷歲年其大或至連抱可作棟梁夫樹有雌雄雌者結果其實亦有雌雄之異種時合種之臨池而種照影成實春分前後移栽先掘深坑水攪成稀泥然後下栽于掘取時連土封用草要或麻繩纏束則不致碎破土封其子至炆而熟初收時小兒不宜食之則昏霍惟炮煑作糗食為美以泔油甚良類如綠李積而腐之惟取其核即銀杏也梅聖俞詩云北人見鴨脚南人見胡桃識內不識外疑若橡

果韜正謂是尔今人以其多而易得往賤之然絳囊入貢玉椀薦酒其初名價亦豈減於蒲萄安石榴哉 王氏農書

銀杏一名鴨脚子以其葉似鴨脚也歐陽公詩云鴨脚生江南名實未相浮絳囊因入貢銀杏貴中州又名公孫樹言其実久而後生公種而孫始食也歐陽公詩云始摘熟三四歲文子漸多 八閩通志

銀杏俗名葉夜間開花性冷 九江府志

元豐間禁中有果名鴨脚子者四大樹皆合抱其三在翠芳亭之北歲收实至數斛而托地陰翳無可臨玩之所其一在太清樓之東得地顯曠可以就賞而未嘗着一实裕

陵常指而嘉嘆以為事有不能過人意者如此戒圃者善  
視之而已明年一木遂花而得實數斛裕陵大悅命宴太  
清以賞之仍分頒侍從 春渚紀聞

格物論銀杏對高大葉薄有刻缺實如枇杷大每一枝動  
有百十顆八九月熟採之去皮與肉取核為菓瓢黃白色  
煨食涼一名鴨脚以葉相似詩李大全

永叔內翰遺李太博家新生鴨脚詩云北人見鴨脚南人  
見胡桃識內不識外疑若橡栗韜鴨脚類綠李其名因葉  
高吾鄉宣城郡多以此為芳種對三十年結子防山獮剥  
核手無膚持置宮省曹今喜生都下薦酒壓蒲萄初聞帝

苑夸又復主第囊纍：誰採掇玉椀上金鰲文章宗分贈  
我已叨豈無異鄉感：此微物遺一世走塵走鬢顛得霜  
毛此梅聖俞作也永叔和云鴨脚生江南名實未相浮絳  
囊因入貢銀杏貴中州致遠有餘力好奇自賢侯因令江  
上根結實夷門秋始摘纔三四金奩獻疑疏公卿不及識  
天子百金訓歲文子漸多纍：枝上稠主人名好客贈我  
比珠投博望昔所徒蒲萄安石榴想其初未時厥價與此  
俾今已徧中國籬根及墻頭物性久雖在人情逐時流惟  
當記其始後世知來由是亦史官法豈徒續君謳二公唱  
和美矣而詠物之工當以聖俞為至今並列于篇

銀杏味甘苦平無毒生痰動風氣與鰻魚同食令人軟風

小兒食之發驚 食物本草

銀杏土人呼為白菓又名鴨脚味甜平無毒多食生痰動風氣同鰻鱧食患軟風惟炒或煮食之生則戟人喉小兒食之發驚 日用本草

銀杏一名鴨脚子言葉如鴨脚也一名公孫對言公種而孫始得食也其花夜開晝合其葉採其子北人呼曰白菓  
李子廷試煮食之以截小水 吳化府志

銀杏一名鴨脚子俗呼為白眼又曰灵眼 太倉志

銀杏一名鴨脚子舊傳三十年方開花着于歐公詩云始

摘錄三四歲文于漸多驗之信然 昆陵志

銀杏出宣歙京師始惟北李園地中有之見於歐梅唱和詩今則畿甸處：皆種予游陽翟北中十里龍福寺：在超化南亂山中佛殿前有數樹：大出屋而不結實同游朝散大夫許和卿同叔言木自南而北者多若寒有一法於臘月去根旁土取麥糠厚覆之火燃其糠俱成灰深培如故則不過一二年皆能結實若歲用此法則與南方不殊亦猶人炷艾耳吾屢試之矣同叔為人敦厚方實其言當不欺云 曲洧日聞

果部四

梨

廣志曰洛陽北卽張公夏梨海內唯有一封常山真定山陽鉅野梁國睢陽齊國臨菑鉅鹿並出梨上黨棗梨小而加甘廣都梨又云鉅鹿豪梨重六斤數人分食之新豐箭谷梨弘農京兆又扶風郡界諸谷中梨多供御陽城殊梨夏梨三秦記曰漢武果園一名御宿有大梨如五斗落地卽破取者以布囊盛之名曰含消梨荊州土地記曰江陵有名梨永嘉記青田村民家有一梨樹名曰官梨子大一圍五寸常以供獻名曰御梨吳落地卽融釋西京雜記曰

紫梨者梨實小青梨實大。容梨細葉梨紫條梨澣海梨  
 出澣海地耐寒不枯牙王梨出海中別有胸山梨張公大  
 谷梨或作糜催梨也種者梨熟時金埋之經年至春地釋  
 分栽之多者熟糞及水至冬葉落附地刈殺之以炭火燒  
 頭二年即結子若櫓生及種而不栽者則着子遲每梨有  
 十許子唯一二子生梨餘皆生杜挿者彌疾挿法用棠杜  
 棠梨大而細理杜次之桑梨大惡東石榴上挿得者為上  
 梨雖治十收得一二也杜如臂也已上皆任挿常先種杜  
 經年後挿之主客俱下亦得然俱下者杜先則不生也杜  
 樹大者挿五枝小者或三或二梨葉微動為上時將欲開

等為下時先作麻紉纏十許匝以鋸截杜令去地五六寸  
不纏恐挿時皮披留杜高者梨枝繁茂過大風即披其高  
留杜者梨樹早成然宜高作高簞盛杜以土墊之令投風  
時以飛盛梨刈免披耳斜截竹為籤刺皮木之際令深一  
寸許折取其美梨枝陽中者陰中枝則實必長五寸六斜  
截之令過心大小長短與籤等以刀微割梨枝斜截之除  
剥去黑皮勿令傷青皮以傷即死拔去竹籤即挿梨令至  
劉處木還向木皮還近皮挿訖以綿莫杜頭封熟泥於上  
以上培覆令梨枝僅得出頭以土壅四畔當梨上沃水盡  
以土覆之勿令堅涸百不失一梨枝甚脆培土時宜慎之

勿使掌撥掌撥則折其十字破杜者十不收一所以然者  
木裂皮開虛燥故也梨既生杜旁有葉出輒去之不去熟  
梨長必遲凡揀梨園中者用旁枝庭前者中心旁枝樹  
下易收中心上聳不妨用根蒂小枝對形可倍五年方結  
子鳩脚老枝三年即結子而對醜吳氏本草曰金創乳婦  
不可食梨：多食則損人非補益之物產婦蓐中及疾病  
未愈食梨多者無不致病歎逆氣上者尤宜慎之凡遠道  
取梨枝者下根即燒三四寸亦可行數百里猶生藏梨法初  
霜後即收霜多即不得經夏也於屋下掘作深瘡坑底無  
令潤濕收梨置中不須覆蓋便得經夏摘時必令好接勿

令損傷凡醋梨湯水熱煮則甜美而不損人也

梨郡志云越人呼為梨頭如木柵之馮家梨映日紅破塘之青消梨蓋最佳云山陰志

梨吳中尤多佳品盧志云洞庭所產梨有數種曰蜜梨張公梨白梨消梨鵝梨太師梨名品不一而韓梨皮褐色肉如玉王志云大柄金谷梨為最也吳邑志

梨春間下種待長三尺許移栽或將根上發起小科栽之亦可俟幹如酒鍾大於來春發芽時取別對生梨嫩條如指大者截作七八寸長名曰梨貼將原幹削開兩邊挿入梨貼以稻草緊縛不可動月餘自發芽長大就生梨梨生

用箬包裹恐象鼻虫傷損在洞庭山用此法

便民尚纂

韓梨出常熟韓立皮褐色肉如玉每歲所生不多價極貴凡梨削皮切片不移時色必變惟韓雖梨經日不變所以

獨貴 吳郡志

韓墩梨范氏云

見上

今洞庭所產有數種曰有蜜梨林擒

梨張公梨白梨語兒梨消梨喬梨鶯梨大柄梨太師梨名

品不一大梨日久則爛而無味惟此梨久不變味喬梨張

公梨皆次之

蘇州府志

梨出洞庭者十種密梨林梨張公梨白梨黃梨消梨喬梨

鶯梨大柄金花梨太師梨出常熟韓立者名韓梨

姑蘇志  
以吳郡志補

以春日分將旺梨筍作拐樣斫下兩頭用火燒紅銑器烙定津脉裁之入地二尺許春分前後一日皆不可只春分日可用 居家必用

梨子別取麋者一顆以類類掉其上頓煖處不損又云梨子最怕凍宜頓煖處若藏又有酒處不宜梨肉最忌見酒慎勿與供宴餘者同收之不酸 同上

梨謂之快果本草圖經曰乳梨又名雪梨出宣州皮厚而肉實鵝梨出近京郡及北都皮薄而漿多味差短於乳梨香則過之其餘有水梨消梨紫煤梨赤梨耳棠梨禦兒梨之類又註云消梨可療病青梨茅梨並不用桑梨惟堪煮

食廣志曰洛陽北即張公夏梨海內惟有一封惟山真定  
山陽鉅野梁國睢陽齊國臨淄鉅鹿並出梨上黨梓梨小  
而味甘廣都梨鉅野豪梨壹六斤新豐箭谷梨弘農京兆  
右扶風郿界諸谷中梨率多供御陽城秋梨夏梨愚按今  
魏府多產鶯梨北地有香水梨最為上品梨封可種亦可  
挿齊民要術曰種法梨熟時全埋之經年至春地釋分栽  
之多着熟糞及水至冬葉落附地刈殺之以灰火燒頭二

年即結子

若搗生及種而不栽者則着子遲每梨有十許子惟二子生梨餘皆生杜

挿者彌疾挿

法用棠杜

棠梨大而細理杜次之桑梨大惡石榴杜如臂以上者上挿得者為上梨雖活十收得一二也

任挿

常先種杜經年後挿之主客俱下亦得然俱下者杜死則不生

杜封大者挿

五枝小者或三或二梨葉微動為上時欲開葉為下時先

作麻紐纏十數匝以鋸截杜令去地五六寸

不纏恐掉時皮披留杜高者梨枝繁

茂則遇大風則披其高留杜者梨封早成然宜作高策盛杜以土築之令沒風時以籠盛梨則免披耳

斜撒音竹尖

為籤刺皮木之際令深一寸許折取其美梨枝陽中者陰

枝則實長五寸六亦斜撒之令過心大小長短與籤等以力微

剗鳥更切梨枝斜撒之際剝去黑皮

勿令傷青皮青皮傷即死

拔去竹籤即

插梨至剗處木邊向木皮還返皮插訖以綿幕杜頭封熟

泥於上以土培覆令梨枝僅得出頭以土壅四畔當梨上

沃水之盡以土覆之勿令堅涸百不失

一梨枝甚脆培上時宜慎之勿令掌擦則折

其十字破杜者十不收

一所以然者木裂皮開虛燥故也

梨既生杜旁有葉

輒去之。又曰凡挿梨園中者用旁枝徒前者中心旁枝

禁下

易收中心  
上得齊不妨

用根帶小枝樹形可喜五年方結子鳩結身枝三

年即結子而樹醜。又曰凡遠道取梨枝者下根即燒三

四寸亦可行數百里猶生。藏梨法初霜後即收

霜後即不  
得經夏

於屋下掘作深蔭坑底無令潤濕收梨置中不須覆蓋便

得經夏

摘時必令好  
接勿令損傷

。又曰凡醋梨易水熟煮則甜美而不

損人也。按魏文帝詔曰真定郡梨大如拳其若蜜脆若

菱可以解煩熱參之神農經中療病之功亦為不少西路

產梨處用力去皮切作瓣子以火焙乾謂之梨卷普克貢

獻實為佳果上可貢於歲貢下可奉於盤珍張敷稱為百

果之宗豈不信乎 王氏農書

梨果之適口者剖裂以食故古人言剖裂為剖梨又曰櫛梨曰鑽之蓋櫛梨喜為蜂所螫處輒不可食故鑽去之今人皆就木上大作油囊裹之梨滋長其中故益大而無傷辛氏三秦記曰漢武園一名樊川一名御宿大大梨五并落地則破其主取以布囊盛之名曰含消又廣志曰真定御梨脆如菱蜀都賦曰紫梨津潤是其類也梨之色多黑故稱薰黑者皆從梨言有涼梨之色也每梨有十餘子惟一子生梨餘皆生杜 爾雅翼

梨之別二十有七 洛陽花木記

水梨

紅梨

西梨

濁梨

鴛梨

糠梨

消梨

乳梨

袁家梨

車實梨

紅鴛梨

敷鴛梨

秦王稻稍梨

大洛梨

耳棠梨

紅消梨

早接梨

鳳西梨

密脂梨

罽羅梨

紅帝卷羅梨

捧掇梨

青沙爛梨

棠梨

壓沙梨

梅梨

楹梓梨

梨六府皆有之其種曰紅消曰秋白曰香水曰鴛梨曰瓶

梨出東昌臨清武城者為佳 山東通志

梨其品不一鵝梨皮薄而漿多輕消梨拒霜梨水梨赤梨

煩渴宜之金瘡乳婦不可用

九江府志

綿梨遵化縣出元耶律楚材詩石門九月西風高綿梨萬  
樹金垂梢清谿千里携贈我藤筐初發香盈包

一統志

紫梨廣安州出有數種到口即化者為佳紫梨是也

一統志  
順慶府

梨實脆美北方為最所為諸而梨鳳栖梨金鳳梨最佳  
者鶯梨江南所產大不及但多食則傷皮氣故陶穀清異  
錄載東曰百益紅梨曰百損黃所益者惟齒耳不覩湘山  
野錄謂李建勳罷相出鎮豫章一日游西山田間茅舍老  
翁教數村童公觴於其廬連食數梨賓僚有曰梨號五  
臟刀斧不宜多食翁笑曰鶻冠子五臟刀斧乃離非謂梨

純白齋

也蓋別離則成賊腦懷有若刀斧就架取小冊以呈丞相  
乃鷓冠子也公大嘆服昔揚吉老在泗州以醫得名忽有  
人到門求診視者揚與按脉曰君來年當以疽毒血今氣  
血凝結無可解者沉思久之曰惟有鵝梨耳可往京師多  
買鵝梨食若無生梨以乾梨煎汁飲并食其滓候來春當  
復訪我其人如教至期再往診脉曰疾已去矣恐謁作若  
能更食則可安後果如其言是以知梨亦能解氣血凝滯  
之疾不可以一槩論謂之百損黃也 負暄雜錄

李仲賓云家有梨園其樹之大者每株收梨二車忽一歲  
盛生觸處皆然數倍常年以此不可售甚至用以飼猪其

紫梨煤梨綿梨之糜者也 八閩通志

梨味甘微酸寒多食令人寒中金瘡乳婦尤不可食

本草經

陶隱居云梨種復殊多並皆冷利俗人以為快果不入藥  
用食之多損人也唐本注云梨削貼湯火瘡不爛止痛易  
產又主熱嗽止渴兼注霍亂吐利不止煮汁服之圖經曰  
梨舊不著所出州土今處之皆有而種類殊別醫家相承  
用乳梨鶯梨乳梨出宣城皮厚而肉實其味極長鶯梨出  
近京州郡及北都皮薄而漿多味差短於乳梨其香則過  
之咳嗽熱風痰實藥多用之其餘水梨消梨紫煤梨赤梨  
耳梨禦兒梨之類甚多俱不聞入藥也梨葉亦主霍亂吐

下煮汁服亦可作煎治風又紫卷梨療心熱唐武宗有此疾百醫不效青城山邢道人以此梨絞汁而進帝疾遂愈後復求之苦無以梨常山忽有一株因緘實而進帝多食之解煩躁殊效歲久木枯不復有種者今人不得而用之又江寧府信州出一種小梨名鹿梨葉如茶根如小指彼處人取其皮治瘡癬及疥癩云甚效八月採近近處亦有但採其實作乾不聞入藥

證類本草

梨多食則動脾則不及病用梨之意須當斟酌惟病酒煩渴人食之甚佳終不能卻疾

本草衍義

梨有數種香水梨為佳本草集要云味甘酸氣寒酒病

賤可知有所謂山梨者味極佳意頗惜之漫用大甕儲數百枚以缶蓋而泥其口意欲久藏旋取食之久則忘之及半歲後因至園中忽聞酒氣薰人疑守舍者釀熟因索之則無有也因啓視所藏梨則化為水清冷可愛湛然甘美真佳醞也飲之輒醉回國葡萄酒亦止用葡萄釀之初不雜他物也始知梨亦可釀前所未聞也 癸辛雜識

漢武帝園有大梨如五升落地則破取則以布囊盛之名曰含消梨 見新

梨味甘微酸氣寒主熱嗽止渴利大小便除客熱止心煩通胃中痞寒結多食令人寒中金瘡乳婦尤不可食以血

虛也又食則動脾惟病酒煩食之甚佳亦不能脚疾種類甚多此為乳梨鵞梨消梨近是出宣城皮厚肉實味長鵞梨出西北州郡皮薄漿多味差而香則過之消梨甘南北各處所出有味甚美而大至一二斤者餘如水梨紫糜梨赤梨青梨棠梨檠梨兒卷梨茅梨子類未聞入藥丹溪云梨者利也流利下行之謂也 食物本草

梨有數種乳梨出宣城鵞梨出京郡北都風痰實藥多用其餘小梨消梨紫媒梨赤梨耳棠梨檠兒梨紫卷梨茅梨味甘微酸寒無毒多食令人寒中金瘡乳婦未滿百日尤不可食大忌主除寒熱風疾傷寒發熱解丹石熱胸中結

熱驚邪咳嗽消渴利大便惟病酒煩渴人食之甚佳葉搗  
取汁解中茵毒主霍亂吐利不止煮汁服之湯火瘡不爛  
止痛削貼梨之

日用本草

梨旧志云有拒霜梨水梨其糜者曰綿梨今有六月消梨  
以善本接之乃生蓋梨之佳品也有寒梨以早稻蘊之乃  
爛此即旧志所謂綿梨也凡梨結實後以油紙包絡之即  
變白嫩差可擬北方雪梨云

吳化府志

宣城黎園初初歲貢五千餘斤後都北不輟貢例每糜巨  
費河間遷安梨不減宣城近以言者已之然他如宣城梨  
尚多也

冀越通

温公和道矩紅梨卷詩云繁枝細葉互低昂香敵酴醾艷  
海棠應為窮遣大寥落併將春色付糠方蜀江新錦濯  
朝陽楚國織腰傳薄粧何事白卷零落早同時不敢聞  
芬芳 傳家集

梨大而長者曰棧梨其糜者曰糜梨皮薄而脆美者曰消  
梨皮厚色黑而肉實味極長者曰鉄裘冢消梨鉄裘蜜二  
種郡中不多見亦間有耳 邵武志

梨卷如李而大最宜月下前筆詩云梨卷院落溶溶月其  
實難得佳者 昆陵志

梨宜沙土甌地多斥鹵凡附於雁山者皆高原土鬆宜種

梨有大如碗者重可一二斤山中人用作土宜以饋人但

味終不如北之其脆耳雁山志

黎土產名青霄梨建昌府志

北土梨名煉白者大而鬆九竺

梨之類多爾雅曰棧蘿山梨也又曰梨山摘野出之梨小而酢者又曰杜耳棠詩所謂蔽芾甘棠也謂之棠梨其卷謂之海棠卷其實謂之海紅子又曰杜赤棠白者棠此別棠梨赤白之異也草木畧

語兒梨初號斤梨其大者重至一斤不知語兒何又鄭州郭真家陵旁產此甚多其老父云有田家兒數歲不能言

一日食以梨輒謂人曰大好果驚異以是得名洛中士大夫  
陳振著小說云語兒當為禦兒蓋地名梨所從出也按禦  
兒非產黎之地不知陳何所據也 曲洧曰聞

爾雅曰梨山橘註即今梨樹疏梨生山中者名橘郭云即  
今梨樹言其在山中之名則曰橘人植之曰梨

棠

爾雅曰杜甘棠也郭璞注曰今之杜梨詩云蔽芾甘棠毛云甘棠杜也詩義疏云今棠梨一名杜梨如梨而小甜酢可食也唐詩曰有杖之杜毛云杜赤棠也與白棠同但有赤白美惡子白色者為白棠甘棠也酢滑而美赤棠子澁而酢無味俗語云澁如杜赤棠本理亦可作弓幹棠今棠葉有中染絳者有惟中染土紫者杜則全不用其實三種則吳爾雅毛郭以為同未詳也棠熟時收種之不正則春月移栽八月初天晴時摘葉薄布晒令乾可以染絳必候天晴時少摘葉乾之後更摘慎勿頻收若遇陰雨則澆

不堪染絳也成樹之後歲收縮一足亦可多種利乃勝

桑也

齊民要術

山查子對高三四尺莖有刺葉微有刻缺如菊葉實圓如  
林擒狀而小生青熟紅亦有黃色者土人呼為赤查朱丹  
漢本草衍義補遺云山查子消食行結氣健胃催瘡痛治  
婦人兒枕痛濃煎此藥汁入砂糖調服立効

邵武府志

釋木云杜耳棠今之杜梨也又曰杜赤棠白者棠樊光云  
赤者為杜白者為棠陸璣草木蟲魚疏以為赤棠與白棠  
同耳但子有赤白美惡子白色為白棠耳棠也赤棠子澁  
而酢無味俗語曰澁如杜是也字說云詩言蔽芾甘棠以

杜之美言有杖之杜以杜之惡

埤雅

棠棣上人謂之山東果又名茅榿子

鎮江府志

棠柯幹茂盛塘岸村野多合抱者詩曰蔽芾甘棠毛氏曰  
甘棠杜也孔氏曰今之杜梨其白為棠赤者為杜陸草木  
疏曰棠今棠梨也

温州府志

甘棠唐貢蓋郎海紅景定重出呂氏春秋果之美者棠實  
唐人詩有棠梨花

金陵新志

棠棣子生滁州三月開白卷隨便結實其味酸而澁採無  
時彼土人用治痢疾及接痲皆效他處亦有而不入藥用

圖經本草

純白齋

海紅似海棠結子如彈 昆陵志

棠梨似檇棗其木惟可鐫刻 同上

孝子傳尹伯奇採掇花以為食注掇花即山梨也山梨今棠名梨其春開採之日乾滹之可充蔬 丹鉛總錄

爾雅曰杜耳棠註今之杜梨疏杜一名甘棠下云杜赤棠白者棠舍人曰杜赤色名棠白者亦名棠然則其白者名棠其赤者為杜棠為耳棠杜為赤棠詩召南云蔽芾甘棠唐風云有扶之杜傳云杜赤棠是也

爾雅曰杜赤棠白者棠註棠色異其各疏樊光云赤者為杜白者為棠陸機疏云赤棠與白棠同耳但子有赤白

美惡子白色為白棠其棠也少酢滑美赤棠子澁而酢無  
味俗語云澁如杜似也赤棠木理韌亦可以作弓幹

榘

榘梨之小者爾雅曰榘似梨而酢澁陶隱居本草木瓜條  
乃云木瓜利筋脛又有榘榘大而黃可進酒去痰榘子澁  
斷刺禮記云粗梨曰櫨之鄭公不識榘乃云是梨之不臧  
者然淮南子曰樹粗梨櫨食之則美嗅之則香莊子曰粗  
梨櫨抽皆可於口者蓋古人以榘列於名菓今人罕食之  
耳西川唐鄧多種此亦足濟用然榘味比之梨與木瓜雖  
為稍劣而以之入蜜作湯煎則者美過之亦可珍也

三六

榘似梨而色黃其味酢澁今人謂之榘榘一曰蜜榘後鄭  
注禮記云榘是梨之不臧者以其似梨而酢澁即是不臧

而陶隱居以為鄭公不識樞意其不能別二物也昔人說  
蒂間別有重蒂如乳者為木瓜無此者為楨樞然二物自  
別亦不必如此別也古人以為人君宴食所加庶羞禮記  
曰檀梨曰鑽之蓋鑽去其心而食之也齊武帝幸丹陽群  
宴飲王敬則執楨樞以刀子削之是去其皮也莊子曰夫  
粗黎楸柚菓蔬之屬實熟則剝則辱其大枝折小枝泄以  
其能苦其生者也今粗樹乃復易壞宛陵人植木瓜者亦  
就此木上接之得粗之餘氣則溢而不美呂氏春秋曰箕  
山之東有耳樞山海經曰平丘有甘樞則是又有耳者皆  
矣又有香粗子小於楨樞而相似此土無之中都則有惟

可生食甚香熟則蒸而不澁蓋別是一類述異記曰江淮淮南人至此見楹棹香以為祖子謂此也乎管子曰五沃之土生楹尔雅翼

楹本草謂之楹楹木葉花實酷類木瓜故办之者常間別有重蒂如乳者為木瓜無此者為楹楹也出汀州

楹子處有之孟州特多亦主霍亂轉筋並煮汁飲之可敵木瓜常食之亦去心間醋痰皮疥傳瘡上黃水實收無時其氣氣馥人將致衣笥中亦香證類本草

陳藏器云按楹楹一名蜜楹本功外食之去惡心其氣辛香致衣箱中殺虫魚食之止心中酸水、痢楹子本功外

食之去惡心酸咽止酒痰黃水小於搵掙而相似此土魚之中都有 同上

檀二種本草圖經云榿檀木葉卷實酷類木瓜又曰檀子處有之孟州特多主霍亂轉筋並煮汁飲之可敵木瓜食之去心間酸痰實初熱時其氣芬馥人將寘衣笥中亦香此一種也曹極詩五和糝奇無処覓榿新熟壓枝香注云隱居五和糝中用之謂此又曰陳藏器云榿子本功外食之去惡心酸咽止酒痰黃水小於搵掙而相似此土魚之中都有鄭注禮云榿梨之不藏云隱居云榿梨曰鑽之鄭公不識榿故云然故云然古亦以榿為果今則不入

例爾又搵搥似搥子而小圖經云舊不着所出今閩陝有之沙苑者更佳其實大抵類搥但膚慢而多毛味尤甘治胃腸中積食去酸水下氣止渴生熱皆宜此所謂搥大一種也今熟之者則呼為搥搥 金陵新志

查梨宋志云花淺紅其實如梨味酢澁置一枚於柿間而柿自熟曰烘柿山中有之 吳化府志

山查味酸無毒健脾胃消食去積行結氣催瘡瘡治兒枕痛濃煎汁入砂糖調服立效小兒食之更宜 食物本草

棠梨卷白實微酸可食山頂曰有比丘尼寺梨花甚盛後寺沉湖中寺前梨花復存元時猶成行列可現詢之樵

純白齋

人云至今猶有殘株餘枿沙梨胡孫梨藤梨實相似而

味殊雁山志

探

探子木生山中實似梨冬熟味酸薛瑄異物志云丹陽諸  
郡皆有之吳都賦探榴禦霜尔雅翼

探子味甘遊平無毒生食主水剋熟者和蜜食之去嗽子  
似梨生江南吳都賦云探榴禦霜是也證類本草

楹棹

陝西有木實名楹棹肉色似桃而上下平正如插其氣甚香其味酸澁以蜜之制歲為進貢然終非佳味也太監王敏鎮守陝西時始奏罷之

菽園雜記

楹棹一名查子綠色多毛且香多生虫去臭辟衣魚生此土似櫛而小味酸甘微温無毒

日用本草

楹棹味酸甘微温無毒主温中下氣消食除心間醋水去臭辟衣魚生此土似櫛子而小

本草經圖經曰楹棹舊不

著所出州土今閩陝有之沙苑出者更佳其大抵類櫛但膚慢而多毛味尤甘治胸膈中積食去醋水下氣止渴

欵臥嗽一兩枚而寢生熱皆宜陳藏器云對如林擒卷白

綠色

證類本草

搥持食之須淨去上浮毛不爾損人柿花亦香白色諸果  
中惟此多生虫少有不虫者圖經言欵臥一兩枚而寢如  
此恐太多痞塞胃脘

本草衍義

披 其突即今樞子

披似黏而異杉以材稱披又有美突而材尤文彩釋木云披黏蓋以類相附也其樹大連抱高數仞葉似黏其木如柏作松理而絕難長肌理細軟堪為器用古所謂文木柏堅緻有文采而色黃銀杏色瑩白而太輒易損成跡惟披既有文采又勁於銀杏突良木也其木自有牝牡之者華而牝者自突理有相感不可致詰其突有皮殼大小如枣而短去皮殼可生食亦煖而收之可以經文以小而心突者為佳本草木部有樞突又有彼子皆出永昌而誤在蟲部蓋彼字當造木部是樞也陶弘景註樞突出東陽諸郡

而不識彼子惟蘇恭能辨其為一物今彼子退入有名魚  
用中矣 爾雅翼

槌土人呼為赤果又名玉槌味甘平無毒多食不發病令  
腸滑同鷓鴣肉食生段節風上墮人已食有火氣主五疔去  
三虫鬼疰消穀殺虫 日用本草

槌翠山香山雪竇皆有惟雪竇者尤著名 四明郡志

陳止齋有蜂兒槌歌云平林常槌啖俚蠻玉山之產亦金  
盤其中一封斷崖立石乳蔭根多歲寒形嫌蜂兒尚麓率  
味嫌蜂兒少標律昔人取急欲高比今我細論翻下匹世  
間異物唯並兼百年不許竈栽添餘甘何為滿地澁荔子

正復漫天緋浮雲變化嗟俯仰靈芝醴泉成獨往後來空  
向玉山來坐對蜂兒还想像 葉水心集

東陽諸邵食其子療寸白虫唐本注云此物是蟲部中彼  
子也尔雅云被杉木也其樹大連抱高數仞葉似形其木  
如栢作松理肌細軟堪為器用也今注彼子樂以殊類既  
未知所用退入有名無用臣禹錫等謹按孟詵云平多食  
一二升佳不發病令人能食消穀助筋骨行榮衛明目輕  
身

衍義曰樞突大如橄欖殼色紫褐而脆其中子有一重  
瓮黑衣其在黃白色嚼久漸甘美五痔人常如果食之

愈過多則滑腸

榧子味甘無毒主五痔去三虫蠱毒鬼疰令人能食消穀助筋骨行榮衛明目輕身有急寸白虫者化虫為水多食不發病又云五痔人常食之則愈過多則滑腸麤榧其木相似但理麤色赤其子稍肥大僅圓不尖本草有彼子味温有毒主腹中邪氣去三虫蛇螫蠱毒鬼疰伏尸又爾雅云彼當作彼木侶拍子名榧蓋彼子即麤榧也丹溪云榧肺家果也火炒食之香酥甘美但引火入肺大腸受傷物

本草

石榴

陸機曰張騫為漢使外國十八年得塗林安石榴也廣志  
曰安石榴有甜酸二等鄴中記曰石虎苑中有安石榴子  
大如盂碗其味不酸抱朴子曰積石山有苦榴周景式廬  
山記曰香爐峯頭有大磐石可坐數百人垂生山右榴二  
月中作卷色如石榴而小淡紅敷紫萼焯焯可愛京口記  
曰龍剗縣有石榴西京雜記曰有日石榴也栽石榴法三  
月初取枝大如手大指者斬令長一尺半八九枝共為一  
窠燒下頭二寸不燒則漏汁矣掘圓坑深一尺七寸口經  
尺豎於坑畔環布枝令勻調也置枯骨礪石於枝間骨石

此是樹性所宜下土築之一重骨石平坎止其上令浸枝  
頭一寸許也水澆常令潤澤既生又以骨石布其根下則  
科園滋茂可愛若孤根獨立者雖生亦不佳焉十月中以  
蒲葉裹而蘊之不暑則凍死也二月初乃解放若不能得  
多枝者取一長條燒頭圓屈如牛拘而橫埋之亦得然不  
及上法根彊早成其拘中亦安骨石其斲根栽者亦圓布  
之安骨石於其中也 齊民要術

招一名丹若又名天漿有紅黃二種王元之詩云誰家巧  
婦開針線一撮生紅熨不開秋實甚大又有紅千葉葉者  
大如酒杯 昆陵志

云三尸得此菓則醉酸者皮堪入藥染黑亦良夏則花實  
秋後則摘以充盤菓多則可攜歲榴之法取其實者有稜  
角者用熱湯微泡置之新甕瓶中久而不損若圓者則不  
可留亦壞爛榴房比他菓最為多子北齊高延宗納妃  
宋氏薦石榴蓋取其房中多子之義北人以榴子作汁  
加蜜為飲漿以代孟茗其酸之味亦可取焉 王氏農書

取石榴直枝如指拇大者斬長一尺以八九條為料燒下  
頭二寸深坑豎枝坑畔置雜骨姜石於枝間突下土出枝  
頭一寸水澆即生 居家必用

安石榴或云本生西域張騫使外國得之一名丹若廣雅

謂之若榴木不甚高大枝柯附幹自地便生作叢種極  
易息折其條盤土中便生花有黃赤二色實亦有甘酸二  
種甘者可食酸者入藥段成式云甜者謂之大漿南都賦  
擣東若榴 尔雅翼

石榴之別有九 洛陽卷木記

千葉石榴

粉紅石榴

黃石榴

青皮石榴

水晶漿榴

朱皮石榴

水晶甜榴

銀含枝榴

偃師縣

垂臺石榴

東京本意觀

石榴周陽雜俎甜者曰天漿堪充果品酸者入藥用花有  
紅白二色又見千葉者卷紅可愛不實 八閩通志

石榴土人呼為金櫻性宜沙石惟山中者實大而甘雁山志  
石榴本草謂之安石榴爾雅曰劉：棗列與榴通用故也  
一名丹若一名若榴其餅者又名天漿入藥多用酸榴藥  
馬監場云泉州一僧能治金蠶毒如中毒者先以白礬末  
令嘗不澁覺味耳次食黑豆不腥乃中毒也即濃煎石榴  
根皮汁飲之下即吐出有虫皆活無不愈者 西溪叢語

二月間將嫩枝條挿肥土中用水頻沃則自生根

便民圖纂

種石榴先舖一重石子次舖少泥又舖石子安根方着根

在其上用泥覆蓋平地多用大石壓之本草謂安石榴榴

榴

三月移石榴於葉未生時用肥土於嫩枝條上以蓆草包

便民圖纂

裴束縛用水沃頻自然生根葉方截下栽之用骨石之類  
覆壓則易活或於盆器內栽亦得 農桑撮要

九月收石榴揀大者連枝摘下用新瓮一箇擺在內用紙  
十餘重密封可留不壞 神隱

石榴一名若榴一名丹若旧不善所出州土陸機云張騫  
使西域得塗林安石榴種今人稱為海榴以泛海外來也  
中原河陰者最佳榴實有二種其子一紅一碼礮一白如  
水晶注布詩云鸚鵡啄殘紅豆顆此言紅榴也皮日休詩  
云嚼破水晶千萬粒此言白榴也然花不出於紅黃味不  
出乎甘酸爾耳者可食多食亦損肺道家謂之三尸酒

銀榴子莖白而甘白榴巷白紫榴子小而硬海榴實酸四  
時皆有千葉榴不實同上

石榴巷南中一種四季常開夏中既實之後秋深忽又大  
發花且尖枝頭碩果罅裂而其傍紅英燦然併巷折釘盤  
遶極可桂海虞衡志

安石榴味甘酸無毒主消燥渴損人肺不可多食酸實殼  
療下痢止漏精東行根療蛇出寸白本草經陶隱居云石榴  
以巷亦可愛故人多植之尤為國外所重入藥惟根殼而  
已其味有日酸藥家用醋者為服食者所忌圖經云

安石榴旧不著所出州土或云本生西域陸機與弟雲書

云張騫為漢使外國十八年得塗林安石榴是也今處  
有之一名丹若廣雅謂之若榴木不甚高大枝柯附幹自  
地便生作叢種極易息折其條盤土中便生花有黃赤二  
色實亦有甘酢二種甘者可飡酢者入藥多食其實損人  
肺東行根并穀入殺虫及染須髮口齒等藥其花百葉者  
主心熱吐血及衄血等乾之作末吹鼻中差又一種山  
石榴形頗相類而絕小不作房生青齊間甚多不入藥但  
蜜漬以當果或寄京下甚美類本草

安石榴有酸淡兩種旋開單葉花綻結實、中子紅孫枝  
甚多秋後經雨則自坼裂道家謂之三尸酒云三尸得

此果則醉河陰縣最多又有一種子白莖澈如水晶者味亦甘謂之水晶石榴本草詩義

紅石榴千葉

白石榴花葉亦千葉

富陽石榴子白

火榴

枝結子細

四時石榴

四時常開

黃石榴

石榴有紅白二色味甘酸其開花可愛而不結實者俗者

海石榴九江府志

三月後石榴之名不一有山石榴宝珠榴海榴蒲榴白榴

其栽挿取嫩枝如指太者斬長一二尺技頭以指甲刮去

一二寸皮深挿於背陰地中其榴無有不活若以白榴枝

挿於紅榴枝上其花粉紅水雲蘇

石榴味甘酸無毒主療咽燥渴多食損人肝齒令黑酸者  
止痢泄腸漏精甘者理乳壓丹石毒有子白而大者名水  
晶榴味甘美丹溪曰榴者留也味酸性滯戀膈成痰束行  
根療疔虫寸白花百葉者主心熱吐血衄血乾之作末  
吹鼻中立差金瘡刀斧傷破流血和石灰搗末傳上即愈

食物本草

張騫使西域還得安石榴花係塗林種博物志

格物叢話榴花來自安石國故名石榴亦有來從海外新  
羅國者名曰海榴此花附萼皆真紅色瓣如撮丹鬚黃粟  
密有千葉者黃花者有紅花白緣有白花紅緣花品中

一奇也詩學大全

杜牧山石榴詩云似火山榴映小山繁中能薄艷中間一朶佳人玉釵上祇疑燒却翠雲鬟事文類聚

石榴一名丹若梁大同中東州後堂石榴皆生雙子南詔石榴子大皮薄如藤紙味絕於洛中酉陽雜俎

安石榴有酣酸二種甜者名天漿能理乳石毒酸者能止痢子白名水晶味甘酸無毒多食損齒令黑又損人肺腑生痰涎主咽燥渴皮酸者能治筋骨風腰却不遂行步痛澁腸止赤白下痢澁精東行根殺寸白蛇虫日用本草

錢王名鏐呼石榴為金櫻日茄子為落蘇翰府名談

臘月二十五日并石榴易活允齋

柿

柿酉陽雜俎云有七絕一壽二多陰三無鳥巢四無虫

子說見前

上謂甚多不可信五霜葉可翫六佳實七落葉肥大冬間下種待

長移栽肥地接及三次則全無核接桃枝則成金桃

使民圖纂

按金龜自有種亦不足信

柿子尚生嚙之即熟項碎錄

紅柿樹摘下未熟每籃將木瓜三四枚於其中其柿得木

瓜即獲法並無滋味同上

柿子接及三次則全無核亦不須接三次但佳種核白少同上

柿子於九月中有黃色時即摘下以漸自熟蓋畏白頭

鳥食之必欲久留樹上用箬包裹連根柿吳令顧修期言  
縣西鄉有柿樹殊本合條方蒂柿出常熟柿正方柿形亦  
方色如靛紅味極甘鬆它紅柿無能及者近年城中園戶  
亦接其種然味不及常熟吳郡志

柿名品不一有綠柿牛妳柿方蒂柿嘗熟者蒂小而方能  
治病蘇州府志

柿出常熟東鄉者名海門柿出虞山柿正方色如紅靛  
自為方蒂柿姑蘇志

方蒂

形小而

罐柿

形如

銅盆

匾花

海門

色黃而味甘形匾比  
諸柿為鉅

火珠

比樹頭紅稍小色紅而味亦  
佳最早熟但多核

圓珠

柿其名非一花柿卵柿烏柿朱柿古田永福諸邑為多  
通志

八月收柿漆每柿子一升搗碎用水半升釀四五時榨取  
漆令乾漆水再取亦得可以供做繖者用度農桑撮要

柿多種本草云黃柿出近京州郡紅柿南北通有朱柿出  
華山似紅柿而皮薄更甘珍諸柿食之皆善而益人衍義  
曰柿有著蓋柿於蒂下別生一重有牛心柿蒸餅柿皆以  
形得名華州有一等朱柿比諸品中最小深紅色有一種  
塔柿亦大諸柿又有柀柿生江淮南似柿而青黑潘岳閑

居賦云梁侯烏桲之柿是也齊民要術曰柿有小者栽之

無小者取枝於楔

而亮以櫛

棗根上挿之如挿梨法食經

曰以灰汁滌柿再三度乾令汁絕着器中經十日可食

本草衍義云生則澁以溫水養之需澁去可食又有紅柿

器內盛之待其紅軟其澁自去味甘如蜜圖經曰乾柿火

火乾者謂之烏柿出宣州越州愚按作柿乾法生柿搗其

厚皮捻扁向日曝乾內於瓮中待柿霜俱出可食甚涼其

霜收之甘涼如蜜可醫口瘡及咽喉熱積若論柿之性曰

乾者溫火乾者熱生者爾冷一果不同如此本草稱其

善而益人又何以異哉 王氏農書

凡物有相感者出於自然非人知慮所及皆因其舊俗而習知之今唐鄧間多大柿其初生澁堅實如石凡百十柿以一椀櫛置其中亦櫛則紅熟爛如泥而可食土人謂之烘柿者非用火乃用此爾歸田錄

柿餅出青州柿以大方名蓋肖形也又有名圓蓋柿者青人取之製為餅漸生霜山東通志

柿於經乃復罕見惟內則所加庶羞三十一物中有之實黃而大味甚甘亦暴而食之說文亦實果也又有紅柿皮深紅而多水又有棹似柿而青柿生江淮南所謂梁侯烏棹之柿是也利以作漆漆與鱗性反故不宜與鱗同食

其葉厚經霜乃丹色上林賦枇杷燃柿各氏要衍云柿有  
小者栽之無者取枝於稷老根上挿之俗謂柿有七絕一  
二多陰三無鳥巢四無虫五霜葉可翫六嘉實七落葉肥  
大又木中根因者惟柿為最俗謂之柿盤尔雅翼

種柿有七絕一有壽二多陰三無鳥巢四無虫五有  
嘉實六其本甚固七霜葉紅可翫也開元後錄

柿味甘寒無毒主通鼻耳氣腸澀不足本草經圖經曰柿  
舊不着所出州土今南北皆有之柿之種亦多黃柿生近  
州郡紅柿南北通有朱柿出華山似紅柿而皮薄更甘珍  
捍音柿出宣歙荆襄閩廣諸州但可生噉不堪乾諸柿食

之皆美而益人。樺柿更壓丹石毒耳。其乾柿火乾者謂之  
烏柿。出宣州。越州性甚溫。人服藥口苦欲逆食少許當止。  
魚可斷。下日乾者為白柿。入藥微冷。又黃柿可和米粉作  
糗。小兒食之止痢。又以酥蜜煎乾柿食之。主脾虛薄食。柿  
蒂煮飲亦止噦。木皮主下血不止。暴乾更焙。節末米飲和  
二錢。七服之。不以上衝下脫。兩服可止。又有一種小柿謂之  
軟棗。俚俗暴乾貨之。謂之牛妳柿。至冷不可食。凡食柿不  
可與蠐同。令人腹痛大瀉。其枯葉至滑澤。古人取以臨書。  
俗傳柿有七絕。一壽。二多陰。三無鳥巢。四無虫。五  
霜葉可翫。六嘉實。七落葉肥大。證類本草。

柿有着蓋柿於蒂下別生一重又牛心柿如牛之心蒸餅  
柿如今之市買蒸餅華州有一等朱柿比諸品中最小深紅  
色又一種塔柿亦大於諸柿性皆涼不至大寒食之引  
痰極甘故如是去皮掛大木株上使風日中自乾食多動  
風火乾者味不佳生則澁以溫水養之需澁去可食逮至  
自然紅爛澁亦自去乾則性平

本草衍義

柿有大稜柿等名小而青者不可食但可取油耳

江府志

裨早柿味甘寒無毒主壓石葉發熱利水解酒熱久食令  
人寒中去胃中熱生江淮南似柿而青黑閑居賦云梁侯  
烏裨之柿是也

證類本草

柿子有鉢盂柿一點紅重蒂紅胭脂仰扁柿綠柿稗柿四郡志

木中有文多是柿木治平初杭州南新縣民家折柿木中有上天大國四字予親見之書法類顏真卿極有筆力國字中間或字仍起挑作尖口全似顏筆知其非偽者其橫畫即是橫斜畫即是斜埋其木直割偶當天字中分而天字不破上下兩畫并一脚皆橫挺出半指許如木中之節以兩木合之如合契焉筆談

稗柿色青黑名綠柿又名花稗烏稗味甘寒無毒生噉甚常久食令人寒中同蟬食令人腹痛大瀉服丹石人食之

亦無嫌主發丹石藥發熱利水解酒熱止渴潤心肺日用本草

柿味甘氣寒無毒屬陰主通耳鼻氣補勞潤心肺止渴澀腸療肺痿心熱嗽消痰開味治吐烏柿火薰捻作餅者溫止痢及潤声喉殺虫多食去面疔及腹中宿血酥蜜煎食益脾脾潤声喉殺虫多食去面疔及腹中宿血酥蜜煎食益脾若風中自乾者亦動風黃柿將熟未熟者為黃柿和米粉小兒食之止痢紅柿葯上紅熟者冷解酒毒一云非也止口渴厭胃熱飲之心痛直至死且易醉酥柿小養者入鹽有毒澀下焦健脾胃消宿血朱柿小而紅圓可愛者甚甘美牛妳柿小兒似牛妳者至冷不可多食令人火乾者名

柿花貨之四方多用以喂小兒止瀉痢益脾肺蓋亦經火焙性不冷矣擇柿即綠柿惟堪生飲性冷更甚去胃熱厭丹石藥利水解酒毒久食令人寒中丹溪云柿屬金而有土為陰而有收之意止血治瀉亦可為助同餅食即腹痛大瀉食物本草

柿味甘寒無毒有類種黃柿紅柿赤柿牛心柿蒸餅柿塔柿主通鼻耳氣虛勞不足日用本草

烏柿火薰者性熱亦呼為丁香棗主殺毒療金瘡火瘡生肉止痛凡服藥口苦欬吐食之立止日用本草

青柿味甘寒無毒生食冷多食令人腹痛主通耳鼻氣

腸僻不足 日用本草

紅柿味甘寒無毒用燻食令人大瀉飲酒食之令人心痛  
主補氣續筋脉 日用本草

軟柿翅柿也日乾濕發噎柿蒂煎湯服之立止主解酒毒  
熱止口乾厭胸間熱除腹中宿血厚腸胃療肺痿嗽咯吐  
血 日用本草

藏柿又名酥切感水藏者性冷澁藏者有毒主下焦健胃  
氣消宿血 日用本草

柿按本草柿有數種火薰者為烏柿性熱可以止瀉逆及  
斷下日乾者為白柿性冷又有黃柿可以和粉作糗與小

兒食之止痢以酥蜜煎柿乾食之主脾虛薄又有捍柿色綠只可生散又枯葉滑澤石人取以臨書吳化府志

柿有紅柿牛心柿綠柿山陰志

柿郡所產柿有牛心者有形圓而匾者大如鴛子皮薄更甘瓊者曰朱柿有如匾柿色青黑而熟於冬者曰捍柿土人呼為凍柿邵武府志

柿細大不等色皆綠透以及潘則表裏俱紅皮薄而味甘  
毘陵志

柿有數種惟匾方而大者名方柿味甚佳一名水柿則脆而多漿一名佛瓜柿則形如佛瓜一名長奶柿則形長而

味如乳方言謂乳為奶也一名山红柿則形如鷄子熟時  
紅色瑩然味亦佳雁山志

柿烏者謂之樗草木畧

柿有方柿繡柿銅盆數種其樹最久松江府志

西京雜記曰烏樗青柿赤棠樗宜都出大樗齊民要術

### 樗

樗今之揆棗也結實似柿而極小其蒂四出枝葉皮核皆  
似柿秋晚而紅乾之則紫黑如蒲萄其大小亦然今人謂  
之丁香柿又謂之牛奶柿虛賦所謂攄黎樗栗者也上林

則櫻棗楊梅南都賦櫻棗若榴蜀郡賦橙柿櫻榑說文  
曰櫻棗也似柿而小古今注亦曰櫻棗葉如柿實似柿而小  
味亦甘美柞木云遵羊束郭氏曰實小而圓紫黑色今俗呼  
之為為羊矢棗齊民要術云櫻棗宜陰地種之陽中則少實  
足霜色殷然後乃收早收則澁不任食內則人君燕食所加  
庶羞有之櫻質氏云芝木椹而軟棗尔雅異

椎

椎卽科子也閩人謂之椎

漳州府志

椎科子也曾師建記作錐謂其末銳於錐此據其形似未是  
米志以錐作椎蓋從木也按椎古槌字戰國策及史記凡槌  
皆作椎獨新編五音篇海云椎直追切樹名似山桂不言其有  
子也今按此果是科樹所生江東人呼科樹為株樹因呼其  
子為株子閩人呼為錐者聲相近而論耳此果聞云年其  
實乃蕃鄉窰人特以度飢云與化府志

苦株實小而圓味苦澁亦可作粉

九江府志

建陽產銀株米株若株巖株

建寧府志

株子其類不一銀株大如粟米株並散株味俱甜苦株味甜  
苦出建寧八閩通志